



1ERE SESSION ORDINAIRE POUR 2017

REUNION DES 30 ET 31 MARS

N° 2017/O1/018

Dumanda à bocca posta da Nadine NIVAGGIONI

« FEMU A CORSICA »

OGETTU : Misure forte di pettu à a minaccia di a pauca

Dapoi l'ultima dumanda nantu à u sughettu, d'ottobre, l'isule Baleare hanu identificatu , nantu à u so territoriu, u ceppu u più dannificu di a Xylella fastidiosa : a PAUCA, quellu chì sterpa l'aliveti di u Meziornu taglianu.

Or dunque, a pauca hè presente nantu à e tre sponde di u Mediterraniu : à l'oriente, in Italia ; à u punente, in Spagna, è in continente (ortu butanicu di Menton) ; è noi, à mezu, ne simu sempre à chì feremu.

Pè interessi economici è scuse di libera circolazione di i prudutti, l'auturità competente adattanu u livellu di cuntrollu è di securità sanitaria à a mubilisazione popolare é pulitica.

Sò tre anni chì, FEMU A CORSICA dumanda misure forte di pettu à a sparghjera di a *multiplex* è à a minaccia di a Pauca.

FEMU A CORSICA dice chì, tempu hè ghjuntu di :

- 1- arrestà l'impurtazione di e piante vettore di a xylella è pocu imprema u ceppu ;
- 2- cuntinuà e ricerche di u batteriu è distrughje senza tricà in casu di suspissione ;
- 3- furmà e persone à ricunnosce di e piante infettate ;

4- accumpagnà u cunvertimentu di e professione tocche.

'Ssu prublema di risicu sanitariu altu dev'esse purtatu torna à u livellu più altu di u Statu è di l'Europa ; Per quessa FEMU A CORSICA vi dumanda Madama a Presidente di l'Uffiziu di l'Ambiente, Madama a Presidente di l'Affari Aurupei, Sgiò Présidentu di l'Esecutivu, Sgiò Presidente di l'Uffiziu Agriculù,

- di custituisce una delegazione chì cù i Ministri cuncernati dà truvà e vie è i mezi pè rinfurzà e misure di prevenzione attuale chì un` bastanu micca,
- di cumunicà in direzione di u Cumitatu di e Regione è pruvà, cù quelle chì sò dighjà in periculu, di pisà di più di pettu à u Statu,
- di move a Commissione di l'Isule Aurupee nant'à 'ssu sughjettu,
- è in fine, rilancia u dibattitu in Brusselle, per via di i nostri sustegni quassù.

Vi ringraziamu medame e Présidentu, sgiò Présidenti, di facci cunnosce u vostru pare in quantu à e nostre pruposte.